

Politički direktori UO PIC-a započeli sjednicu u Sarajevu



Politički direktori Upravnog odbora (UO) Vijeća za provedbu mira (PIC) započeli su dvodnevnu sjednicu u Sarajevu diskusijom o stanju vladavine prava u BiH. Gosti sesije su predsjednik Suda BiH Ranko Debevec, glavni tužilac Tužilaštva BiH Milanko Kajganić i predsjednik Visokog sudskog i tužilačkog vijeća BiH Halil Lagumdžija.

Tokom dvodnevne sjednice, UO PIC-a će razmatrati ključne izazove u BiH nakon što su završeni Opći izbori 2022: brzo formiranje vlasti, politička kohezija, vladavina prava, izgradnja institucija, te EU integracije. „Povjerenje u institucije države je stub uspješnog obnašanja vlasti. Odgovorni zvaničnici moraju se pobrinuti da vladavina prava bude utemeljena u potpunosti,“ izjavio je visoki predstavnik Christian Schmidt na početku sjednice UO PIC-a.